




دیگر غزل

غمزه خونریزیکه امر ایت که دوکسون قائمی
 دست عزرائیله نوبت ویرمه سن آل جانمی
 دودی هرخت جگر بر مرغ آتشپاره‌یه
 برسمندر خانه یاپدم سینه سوزانمی
 اویله بر آهندلک اولدم اسیر عشقی کیم
 دائماً فواره ایلر دیده کریانمی
 بر بزدن شرم ایدردی آفتاب و ماهتاب
 چکسه لر طاق سپهر صورت جانانمی
 قصد تکدیر ایتسه ده قندلی تلذیذ ایدر
 یاردن کتم ایلم حال دل پنهانمی
 همت عشقکه اولدم عرش پیمای وصال
 برج افلان اوسته دیکدم لوای شانمی
 سیر کلزاره بوکون کیتدم (امیری) یار ایله
 ایلدم دنیا به اعلان قدرت سبحانمی

آثار نزهانه‌لری شایسته تقدیر اولان یوسف ضیا بکک ملت
 کتبخانه‌سنده بوعاجزی بوله‌میه‌رق ارتجالاً بالتحریر براق‌قلری قلعده
 بکله‌دم استادی بر ساعت تمام
 کوزلرمدہ سوندی نور انتظار
 جامع عرفانه اولدک برامام
 هب جماعتدر سکا کنج ، اختیار

— جوابم —

کلبه احزانمه ویردک ضیا
 بولمدک ، برقطعه ایتدک یادکار
 ای ضیای منبر و محراب عشق
 مستدام ایتسون سنی پروردکار